



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetiis, 1647

De Offertorio, Secretis, Praefationibus, & Canone. 12.

urn:nbn:de:hbz:466:1-9500

& S. Laurentij, quando veniunt in Dominicis: *vt in Breu. Veneto 1521. narratur.*
& hac eadem ratione dicendum erit etiam Symbolum in Vigilijs Nativitatis Domini, & Epiphaniæ: & in octaua Innocentum, si venerint in Dominica, nimurum ratione Dominicæ vacantis.

In Patroni alicuius loci. Patronus, & Titularis Ecclesiae sunt quidem primæ classis; non ideo tamen illis conuenit, ut dicatur, *Credo*; quia non dicitur in Festo Sancti Ioannis Baptista, quod est primæ classis: sed quia, cum locus fiat celebrior, concurrente populo ad Festum Patroni, seu Tituli Ecclesiae, æquum est, ut Sanctam fidem populus ibidem cum Clero conclamat, & profiteatur. Hinc dicitur, *Credo*, in festo Sancti Ioannis Baptista in

propria Ecclesia, ob locum, & concursum populi, & ob eundem concursum dicitur etiam in Missis votiis, quæ solemniter celebrantur pro regrati, de qua vide *supratit. 8. num. 4.* Solus autem concursus populi sine alio solemnitatis titulo, non facit, ut legitime dicatur *Credo*, ex Rubricis: alioquin in Ecclesijs ruralibus in omnibus Festis diceretur, *Credo*.

In Vigilijs autem, quæ veniunt infra Octauas, & habent Symbolum, non tamen dicitur Symbolum, sicut in eq; Hymnus Angelicus; quod habetur in Missali ex simili Rubrica, in Missa Litaniarum maiorum in Festo Sancti Marci. eadem enim est ratio in his ferijs maioribus: immo à fortiori, si non in Rogationibus: ergo nec in Vigilijs, quibus illæ præstant.

De Offertorio, Secretis, Præfationibus, & Canone XII I.

I Post Symbolum, vel si non sit dicendum, post Euangelium, o dicitur Dominus vobiscum, p Oremus. q deinde Offertorium: postea fit oblatio cñm Orationibus, vt in Ordine Missæ. Qua oblatione facta, dicuntur i Orationes secretae, s secundum numerum Orationum, quæ clara voce in principio dictæ sunt: sed ante primam Orationem t non dicitur Dominus vobiscum, nec aliquid aliud, sed dicto, Suscipiat Dominus sacrificium, absolute dicuntur; u neque etiam ante secundam Orationem dicitur Oremus. x Terminatur autem prima & ultima Oratio, vt dictum est supra in Rubrica de Orationibus: & secreto dicuntur usque ad illa verba in conclusione, y Per omnia secula seculorum, quæ clara voce proferuntur, & incipitur Prefatio.

o Dicitur Dominus vobiscum. Ordo Roman. & introitum demonstrat ad aliud Officium, dum salutat Sacerdos operarios suos. Amalar. lib. 3. c. 19. inuitaturus quoque ad Orationem monet, nisi Dominus sit nobiscum, non posse nos orare. Innocent. III. li. 2. cap. 53.

p Oremus. Ordo item Rom. quo doceatur, ut stabiles sumus in fide, quam professi sumus in Symbolo. Steph. Eduen. de Sacram. Altar. cap. 12. vel precamur, vt voluntarium Sacrificium acceptabile sit Domino, nec despiciatur cum sacrificio Cain. Amalar. loco citato.

q Deinde Offertorium. Ordo Romanus, & in Antiphon, Sancti Gregorij nomine, hoc habetur. Porro Offertorium, auctore Isidoro lib. 6. Ethymol. capit. 19. quasi ob Gauant. Rubr. Miss.

fertum. fertum enim dicitur oblatio, que in Altari offertur. fertum, siue feretur, ait Festus, genus libi dictum, quod cerebris ad Sacra ferebatur; vel dicitur Offertorium, ab offerendo, quia tunc oblationes fiunt Innocent. III. li. 2. cap. 5.; vel est offerentium Canticum, Gemma. anim. lib. 1. cap. 97. Offerendam vocat etiam Amalar. li. 3. cap. 36.

Quis auctor? Cælestinus ex Demochare tom. 4. capit. 15. Eurychianus ex Petro ab Opmeer de Off. Missæ. S. Gregorius, ex Gemma anim. lib. 1. cap. 88. inclinaverat prior in hanc sententiam Vualafrid. Strabo capit. 22. Ordo sane conueniens. inquit Innoc. supra. nam sequitur prædicationem Euangeli fides in corde, laus in Offertorio, fructus in Sacrificio.

C Addit

Addit Alcuin. c. de celebr. Missæ, ad imitationem populi Israhel hoc fieri, qui oblationes & vota cum laude Deo offerre consueuerat.

r *Orationes Secretæ*. Quia Secreto dicuntur. *Amal. li. 3. cap. 20.* Ordo Romanus eas hoc nomine vocat.

s *Secundum numerum Orationum*. Habet Radulph. propos. 23. & ante eum Beleth. cap. 43.

t *Non dicitur Dominus, &c.* Iam enim dixit Sacerdos, *Dominus vobiscum*, & *Oremus*, ante Offertorium, quæ Salutatio, & Inuitatio antiquitus erat ordinata ad Orationem Secretam; & ante illam ab Offertorio nulla prorsus interponebatur Orationis, ut notat *Microl. c. 11.* secundū vsum Romanum. Orationes enim, quæ nūc dicuntur in oblatione, habent originem à Gallicana Ecclesia, ut dicimus tit. 7 part. 2. *Rubricarum, generalium*, vbi de ipsa oblatione.

u *Neque dicitur Oremus Burchard.* tum

v *Prefationes autem dicuntur, ut in Ordine Missæ adnotatum est: & a qua in Quadragesima, Tempore Passionis, b & Paschali, & infra Octanas propria assignantur, dicuntur etiam c in Dominicis, & Festis, quæ illis temporibus celebrantur: nisi illa Festa propriam Prefationem habeant.*

w *Prefationes*. Hoc est, Prælocutiones ante Canonem, *Alcuin. de celebratione Missæ*. Originem habent ab Ecclesiæ primordijs, ex *Clem. lib. 8. Conf. Apost. c. 16.* Dionysium auctorem facit. *Honor. Gemma* lib. 1 c. 89. & Leonem Papam ib. Præfationis communis auctorem Gelasium dicit *Alcuin. loco citat.* aut cātari iussit, ut ait *Gemma*, aut forte limauit: quæ tamen habetur in Liturgia S. Petri Græca.

Nouem Præfationes enumerat, ut antiquas, & approbat Pelagius Papa Secundus epist. 4. nimis, Paschalem, de Ascensione Domini, de Pentecoste, & de Nativitate Domini (quæ dicitur etiam in Missa de Sacramento Altaris, ex *Radulph. loco citat.*) de Epiphania, de Apostolis, de Sancta Trinitate, de Cruce, de Ieiunio Quadragesimali. *Sigeber. de Pelagio ad An. D. 581.* & can. inuenimus de consecr. dist. 1. & hoc fortasse ordine composite fuerūt.

quia dictum est ante Offertorium; tum quia eius vice proxime ante dicitur, *Ora te fratres*, tum quia (& hæc est magis propria ratio) Orationes secreto dicende sūt. quis dicat ergo, *Oremus?* an alta voce? inconcinna interruptio: an submissa voce? quos inuitamus non audientes? omittimus igitur conuenientius.

x *Terminatur autem prima, &c. Burchard.* ijsdem de causis, quibus supra de Commemorationibus tit. 7. numer. 7. & de Oratione tit. 9.

y *Per omnia secula seculorum.* Non est hoc initium Praefationis, si propriè loquamur, sed finis Orationum. vult *Innocentius Tertius lib. 2. c. 61.* esse finem Orationum, & esse principium Praefationis, ut ostendatur, ait Christus lapis angularis, qui fecit utraque vnuim, propeque passionem Iudæos continens, & Gentiles, qui per Philippum adierunt Iesum, *Ioan. 12.* sed de nomine videtur quæstio.

nam ordine temporis positæ sint in Missali, quo eas cantari contigit. His, teste *Radul. ibid.* addidit decimam de Beata Virgine Maria Urbanus II. in Concilio Placentie celebrato. An. 1095. ex *Baron. vel ex Bellarm. libr. 2. de Missæ cap. 17.* Anno 1080. & habetur can. *Sanctorum.* § final. dist. 70. Angeli vero omnes in Praefatione nominantur implicitè in verbo, *Virtutes*, ex *Alcuin. loco citat.* quia Dominus Virtutum, id est, Angelorum, ipse est Rex gloriae. *Psal. 23.* ideoque nominatur paulo ante consecrationem, quia creduntur sacrificio adesse *Microl. cap. 11.*

Sursum corda: de Ieremia sumptum est. legit *Clem. Conf. lib. 8. capit. 16.* *Sursum mentem.* ex quo datur intelligi, corda, esse casus accusatiui. *Gratias agamus,* de Apostolo, *Radul. loco citato Beata Seraphim, Alcuinus legit, Seraphin,* & vult esse plurale generis neutrius; *Seraphim* autem

autein esse generis masculini; illud ab Hēbreis, hoc à Græcis deriuare. Sed fallitur: quia in Liturgia S. Petri legitur: *Seraphim*, per in generis neutrius. Miror; Caroli Magni magistrum hæc minutiora persequi; sed minima Dei Maxima sunt, & maxime obseruanda. Pleniorum Præfationis declarationem lege apud Duran. lib. 2. cap. 31.

Cōcluditur Præfatio Hymno trifagio seu Angelico, quem Victorialem Liturgia S. Petri, Triumphalem SS. Iacobus, & Marcus in Liturgijs; Cherubicum Sanctus Germanus in Theoria: Alcui-nus Primæuum vocant, & quamvis vulgo huius Hymni, Sanctus, Sanctus, Sanctus, &c. feratur auctor Sanctus Sixtus; hic quidem decreto firmauit, vt, Sacerdote incipiente, populus prosequeretur; sed antea erat in vñ in Liturgijs prædictis, & meminit Clemens libr. 8. Constit. c. 16. de-sumpius aut est, partim ab Isaia 6. partim ab Euang. Matt. 12. in quo Trinitas adoratur in Vnitate; & benedicitur Incarna-tio Verbi, quo Venit in nomine Domini. Addidit Sanctus Ignatius illud: *Benedi-cetus qui venit*, &c. si credimus Remigio Antisiodorensi in expositione Missæ. bis dicitur, Osanna si deit, Salua quæsi, ab antiquis temporibus. Ordo Romanus. semel Angelorum nomine, semel nostro: quia Hymnus hic partim ab Angelis, partim ab hominibus cōcinitur, vt per Christum immolatum genus humanum sociatum fuisse Angelis fateamur. Gemma capit. 42. li. 1. Concil. autem Vasense can. 6. statuit, vt dicteretur in omnibus Missis, etiam Defunctorum.

a *Qua in Quadragesima*. Etiam in Fe-rijs Præfationem Dominicæ dici, scribit Microl. cap. 50.

b *Et Paschali*. Eandem recitari præfa-tionem usque ad Ascensionem tradit Mi-crol. cap. 55.

c *In Dominicis, & Festis, &c.* Genera-le est Præfationum; vt eorum temporibus & diebus in omni Missa cōtinuentur, vbi propriæ non habentur, Radulph. propos. 23. per quod patet ratio sequentium Rubricarum num. 3. & 4. Excipe Festum Sācti Ioannis Evangelistæ, cui datur Præfatio de Natiuitate ex antiquo vsu Capellæ Papalis, licet habeat Præfationem pro-pria m; & item diem Octauam Sācti Ste-phani, quæ est in infra Octauam Sancti Ioānis, in qua dicitur Præfatio de Natiuitate, in gratiam eiusdem Natiuitatis.

Excipe quoq; Missam de Feria priuile-giata, vt Litaniarum Maiorū in Festo S. Marci ex Rubrica propria; & Missam fe-riæ quartæ Temporum occurrentem in Octaua Natiuitatis B. Virg. in quibus di-citur Præfatio communis; ita Sacra Rituū Congreg. die 12. Decembris 1626. * & à simili Missam Vigiliæ Sancti Ioannis, seu Apostolorum infra Octauam Corporis Christi, seu in die Octaua.

Ratio est, quia prædictæ Missæ sunt fe-riales, in quibus dissonaret cantus sole-mnis Præfationum, puta, de Corpore Chri-sti (Ferialis cantus non habetur eiusdem in Missali) & ideo, sicut in Missa solemni Præfatio communis non potest non can-tari; ita etiam in Missa priuata de Vigilia communis Præfatio recitari debet. Præ-terea cōgruit communicatio Præfationū Festiuarū alijs Festis, & Votiviis, quæ ali-qualiē habent rationem Festi; nō autem Fertijs, & Vigilijs; vnde de ijs in seq. nu. 3. & 4. regula datur, de his nihil in Rubrica; nihil, inquam; vt non dicas esse casum omissum.

3. Si infra Octauam alicuius Festi, quod habet Præfationem propriam occurrat Festum ex maioribus non habens propriam Præfationem, dicitur Præfatio de Octaua, quamuis de ea nulla fiat commemoration in Missa.

4. In Missis Votiviis dicitur etiam Præfatio propria, si propriam habeant, si vero nō ha-buerint, dicitur Præfatio de Tempore, vel Octaua, infra quam contigerit huiusmodi Missa celebrari: alioquin Præfatio communis. Et quando aliqua Missa votiva pro causa publica solemniter celebratur, dicitur d in cantu solemni, ut in Duplicibus. In Missis Defunctorum quocunque tempore semper dicitur Præfatio communis.

C 2 d In

d In *Cantu solemni*. Qui nimirum assignatur Festis Spiritus Sancti, Trinitatis, Sanctæ Crucis, Sanctæ Mariæ, &c. demptis verbis, quæ non congruent votiuæ Missæ, ut in Præfatione solemni de Spiritu Sancto, omittenda sunt ea verba in cantu, *hodierna die*, quæ conueniunt tantum Festo Pentecostes, non votiuæ Missæ.

f Post prefationem incipitur e Canon Missæ secreto; in quo seruentur omnia ut in Ordine Missæ, Vbi vero ē infra actionem, g Communicantes, & Hanc igitur, vel alia, variari contingit, suo loco in proprijs Missis adnotatur.

e Canon. Idest, Regula Canon, vox usurpata à Sancto Gregorio lib. 11. epist. 16. qui & Precem nominavit libr. 7. epist. 63. Regulam vocat Ecclesiastica Ambros. in epist. ad Timoth. c. 2. Legitimum, Optatus Milenit. li. 2. contra Parmen. Secretum, Basilius de Spiritu Santo capit. 27. Ordinem precum, Isidor. 1. de diuinis officijs capit. 15. & à Dionys. loco citato dicitur Actio, quia ex Vinalfr. capit. 22. in ea, actione est legitimus Ordo, & Regula, fixa & stabilis, ad Sacra menta conficienda. Auctor illius nescitur, antiquior est Ordine Romano, in quo habetur Canon, vti iam usitatus; & in Liturgia Sancti Petri totus habetur, sed partim auctus, saltem Sanctorum nominibus, post mortem Petri. antiquior est omni memoria, Bellarmin. mox cit. loco, & quia nulla ibidem sit mentio Confessorum, probat idem libro 2. de Missa cap. 20. fuisse finitum totum ante Concilium Maguntiacum, in quo Festa Confessorum habentur. Putat Innocen. III. libro 3. capit. 10. finitum ante Sanctum Sylvestrum. Tamen ultimus qui addidit Canon, fuit Sanctus Gregorius, vt dicemus: à quo, loco citato, dicitur fuisse à Scholastico compositus, quem putant esse Gelasium doctrina clarissimum, Innocen. III. libro 3. capit. 10. & Honor. in Gemma animi. libro 1. cap. 90. De Musico Massiliensi dubitat Pamphilus in Liturgijs, qui Scholastico sermone scripsit librum Sacramentorum circa An. 490. Vel de Victoriiano Vocomio Mauritaniae Episcopo, qui composuit Sacramentorum volumen, & vixit

Monendum hoc loco; votiuas Missas infra Octauam Natiuitatis Domini non habere aliam Præfationem, quam de Natiuitate, sicut & Festum S. Ioann. argument. a fortiori, & item, quod Præfatio de tempore, & de die, idem sonat in hac Rubrica.

inter tempora SS. Hieronymi, & Gregorij Papæ. Sed sicuti verè compositus fuit à pluribus, ex Domini verbis, ex Apostolorum traditionibus, & Sanctorum Pontificum Institutionibus, iuxta Concil. Trident. sessione 22. capit. 4. ita pars eiusdem antiquior est altera, ut patebit ex auctoribus singularium partiū, de quibus in secunda parte Rubricarum generallium titulo octauo, & sequentibus, agemus commodius.

f Infra actionem. Hoc est, Canone, ob rationem supra allatum.

g Communicantes, &c. Varietas hæc habetur in libro Sacramentorum Sancti Gregorij. Microlog. cap. 12. hæc habet: in summis Festiuitatibus quedam, Canoni in illo loco, vbi dicitur, Communicantes, vel, Hanc igitur oblationem, interponimus; quæ tamen ex antiquis, & emendationibus Sacramentarijs interponenda esse didicimus; vide licet in Natiuitate Domini, in Epiphania, in Cœna, in Pascha, in Ascensione, in Pentecoste: quæ sanctum nostris Missalibus concordant. Dantur autem causas, quod separari debeat, Communicantes à sua Præfatione, nam infra Octauam Ascensionis, si occurrat Festum Sanctorum Philippi, & Iacobi, Præfatio erit de Apostolis, Communicantes de Ascensione, licet in Missa nulla fiat commemorationis: idemque accidere potest in Inventione Sanctæ Crucis, & in Missis solemnibus votiuis, quæ dicuntur infra eandem Octauam, & habent Præfationem propriam,

Ratio

De Communione, Orationibus, &c. 37

Ratio vero est, quia, *Communicantes*,
habet iuxta illam Octauam quasi ratio-
nem de tempore, sicut haberet etiam
Præfatio de Octaua in prædictis Festis, si
propriam Præfationem non haberent,
ut dicitur in titulo hoc eodem num. 3. & 4.
& licet nulla fiat Commemoratio de O-
ctaue, dicitur tamen *Communicantes*, si-

cut in officio dicitur ad Primam, & in fi-
ne Hymnorum in prædictis Festis: *Qui*
scandis super sydera. neque enim ideo
vinitur, *Communicantes*, *Præfationi*, vt
una simul vel dicantur, vel omittantur;
sed vt facilius vtrunque reperias. Atque
ita decreuit tandem Sacra Rituum Con-
gregatio die 28. Augusti 1627.

De Communione, Orationibus post Communionem, Ite Missa est, vel Benedicamus Domino, de Benedi- ctione, & Euangelio S. Ioannis. XIII.

¹ **E**xpletio Canone, & alijs omnibus usque ad Communionem, ea peracta dicitur h
Communio, & Orationes i post Communionem, eodem modo, & ordine, ut in
principio Missæ, & repetito, Dominus vobiscum, dicitur, Ite Missa est, vel Bene-
dicamus Domino, pro temporis ratione. Ite Missa est, dicitur m quædocunque di-
ctum est, Gloria in excelsis. Cum non dicitur, eius loco dicitur, Benedicamus Domi-
no. Respondeatur, n Deo gratias. In Missis Defunctorum dicitur, o Requiescant in
pace. Respondeatur, Amen.

h Communio. De hac *Ordo Romanus*,
& *Antiphonar.* *Gregor.* & cantabatur,
dum populus communicabatur. tradit
Rupert. lib. 2. cap. 18. solitam dici post ci-
bū salutarem in gratiarum actionem.
Cælestino Demochares tom. 4. capit. 15.
Gregorio tribuunt auctori, *Gemm.* lib. 1.
capit. 90. & *Hugo Victor.* de Eccles. Offic.
lib. 2. cap. 11. Deducit hunc ritum *S. Th.*
3. part. quæst. 83. art. 4. ab Hymno dicto à
Christo, & Apostolis post cœnam. Nunc
cantari debet post, *Agnus Dei*, immedia-
te; nisi fiat populi communio, ad quam
ea cantatur.

i Orationes post Communionem. Idem
docet *Microl.* cap. 19. quas Orationes
Collectas etiam vocat *Ordo Romanus*.
Ad complendum, titulus earum est in
Sacrament. *Gregoriano.* Benedictiones
appellat *Vulnaf. loc. cit.* quæ pro cōmu-
nicatis dicebātur; neque alia tunc in fine
benedictio dabatur populo. *Micr. c. 21.*

I *Ite Missa est*, &c. A Leone institu-
tum fuisse scribit *Radulph.* prop. vlt. quod
tamen habetur in *Liturgia S. Petri*, &
expressius in *Constit.* Ap. lib. 8. cap. 23. &
quidem in Festis, concurrente populo, di-
Gauant. *Rubr. Miss.*

mittitur ille solemniter, nisi tristitia tem-
poris insinuāda sit, vt in Dominicis Qua-
dragesimæ, & ejusmodi: in ferialibus au-
tem, vbi deuotiorum est accessus ad Mis-
sam, ij sunt potius detinēdi in diuinis be-
nedictionibus. *Microl.* cap. 46. sed Clem.
vtitur ijs verbis; *Ite in pace.* à Christo de-
ducit hunc ritum *Vulnaf.* tom. 3. tit. 4.
cap. 44. numer. 7. qui in fine cœnæ dixit:
Surgite, eamus hinc.

m *Quædocunque dictum est, Gloria.*
Docet *Microl.* cap. 19. & 46. solemnis
autem est dimissio, aut *Rupert.* lib. 2. capit.
20. & gaudium sonat commune Hymno
Angelico, & *Cantico.* *Te Deum;* vnde se
inuicē consequuntur, sicut cantus Ange-
lorum, & iter Pastorum ad Christum.
Durand. lib. 7. cap. 1.

n *Deo gratias.* Hoc loco usurpari in-
nuit *Dion.* cap. 3. *Eccl. Hierarch.* ijs verbis:
in gratiarum actionem sacram definit,
cum omni Ecclesiæ sacra plenitudine,
August. etiam Epist. 59. ad *Paulinum:* par-
ticipato tanto Sacramento gratiarū actio
cuncta concludit. quod *Amalar.* libr. 1.
cap. 34. de hoc ritu declarat.

o *Requiescant in pace.* Explicat *Du-
rand.*